

# Empagliflozin

(Fakaleo “empa-gli-FLOW-zin”) **E fakaigoa foki Jardiance.**  
Empagliflozin e aofia i loto i vailakau e fakaigoa SGLT2 mafuaga.

S 10

S 25

Ne avatu kia koe te fuaga tenei empagliflozin ke fakalei ei tou masaki ko te vaega 2 o te suka ko te mea ke mafai o puipui foki ei ou nonu mo tou fatu. Empagliflozin e fakamalalo ne ia a te suka i tou toto e pela foki mo te totomaluga kae fesoasoani foki ki ou mamea o fakamaa a te suka, mo te masima manafai o fano koe o mimi.

Empagliflozin e isi foki ne ona isi aoga o fakamama tou mafa, fesoasoani ki ou mamea ke galue fakalei, ke moaa foki koe e maua ne mate o tou fatu io me ko tou foitino. E mafai foki o fesoasoani ki tou ola leva.

**FAKAASIGA:** Empagliflozin e mafai o tuku atu kia koe fakatasi mo te metformin, ka ko vaega fuaga tenei e igoa ki te **Jardiamet**.

## E inu ne koe pefea te empagliflozin



E inu fakatasi ne koe te empagliflozin fakatasi i te aso, i te tami masani e iloa i aso taki tasi.



E mafai ne koe o inu fakatasi mo au meakai io me seai ne meakai.



Faeteete io me fakafoliki tau inu mai te kava au e mafai o maua ne koe a nisi o pokotiaga ki tou foitino.



Kafai ko kamata o inu koe i te empagliflozin, ka fakauke taimi e mimi ei koe, kae gasolosolo e iloa o feololo i ne nai vaiaso. Inu ke lava te vai, ko te mea ke se fiainu koe. Kafai ko oti ne fakatonu atu ke faeteete te aofaki o au vai e inu, ko fesili koe ki tau tokita.



Kafai ne puli ia koe o inu ou fuaga i taimi masani, taumafai e iloa o inu fakavave kafai ko masaua ne koe, manafai te sua taimi e tau o inu ko mutana ifo i te 12 o itula. Kafai tena te tulaga ko oko ki ei e mafai ne koe o misi kae ko toe inu i taimi masani.



Empagliflozin e galue lei manafai ko oti ne inu ne koe i se taimi leva. E tau o foki koe o siaki i tau tokita i te taki 3 masina o fakafou te pepa o ou fuaga konei.

## Kafai ko inu koe i te empagliflozin



### E tau o isi sau palani mo aso takitasi

Kafai ko isi ne pokotiaga ko lagona ne koe, fakagata te inu o te empagliflozin ko te mea ke lei fakalei a koe. Sautala fakalei mo tau tokita mo te taimi e tau ei o toe kamata o inu te empagliflozin.

**Kafai e tai takamiomio koe, taitailua io me mae tou tinae, fano ki tau GP, io me ko te Medical Centre mai tua o itula galue, io me ko te fakaimasaki fakavave ke mafia o siaki tou toto me pefea te tulaga ko oko ki ei tou ketone.**

Te maluga o tou ketone e mafai o fai mo fakalavelave kae mafai foki o isi nisi o pokotiaga e pela mo te ketoacidosis.



### Fakailoa ki tau tokita manafai ko fakamafuli au mea e kai

Kafai ko se uke au mea e kai e tau mo koe o fakaaoga te keto (fakafoliki au kapohitulate) e mafai o fakamafua ne ia te isi fakalavelave e igoa ki te ketoacidosis.



**Nisi o fakamatalaaga mo pokotiaga ka fakaasi atu i sua laufatua**

## Kafai ko inu koe i te empagliflozin (Fakasoko)



### Tausi ke maa a koga fanafanau

Ona la ko koe e mimi fakauke kae lasi foki te suka i ou mimi, e mafai foki koe o pokotia ne te fiainu io me ko te tiga o ou koga fanafanau.

Ko te kourou soko ke maa e puipui ne ia koe. E tau eiloa mo fafine o kourou o fulu ke maa olotou koga fanafanau e lua taimi i te aso kae ko tagata o mulu ke ma olotou lakau, mo laupakili o outou muamua i lalo e fakatasi i te aso.



### Fakatokaga manafai koe ko fai sou masaki io me fakatogafiti

Kafai koe e ave o tipi io me fakaata a tou tinae i loto tela ko te kolonosikopi, e tau mo koe o fakagata te inu o empagliflozin e 3 aso mai mua o fakatogafitiga o koe (2 aso mai mua o te tipiga mot e aso tela e fai ei tou togafitiga).

E manakogina ke sautala fakalei koulua mo te tokita ki taimi e tau ei o fakagata mo te taimi e tau ei o toe kamata tau empagliflozin.



### Te fafine faitama, io me fauu tena pepe?

Fakailoa ke iloa ne tau tokita manafai koe ko faitama, io me tauamafai ke maua sau pepe, io me ka kamata o fauu tau pepe. E manakogina ke fakamafuli ou fuaga suka mai te Tokita.

## A vaialakau katoa e isi eiloa ne olotou pokotiaga

Empagliflozin e mafia foki o isi ne ona pokotiaga, kae seai ko tino katoa e maua ne latou.

### Auala masani o pokotiaga

E mafai koe o pokotia kae mafai foki o gata vave. Kae kafai fui galo, e tau mo koe o fakailoa ki tau Tokita a pokotiaga konei:

- mimi fauke taimi
- mimi mae kae tigaina
- magiso i tou foitino.

### Nisi o pokotiaga e mafai o tupu

Fakailoa fakavave ki tau Tokita io me ko te **Healthline 0800 611 116** manafai ko maua ne koe a fakatino konei i tou foitino i taimi e inu ei koe i te empagliflozin:

- masaki (taitailua)
- fiainu malosii (seai ne vai i te foitino)
- takamiomio io me tigaina
- tigaina o te tinae
- manogi o tou manavaga
- gaegae kae ko makini foki you gaegae
- fiva (maluga tou vela)
- fukafula te foitino, tigaina kae mae you mulitiko io me koga fanafanau (tatou fafine mo tatou tagata)
- vavai te foitino, tau matapo, takamiomio
- lagona te setokaga
- mae te ulu
- pole te foitino
- pouli ou mata io me pefu te kiloga o mata.



Mo nisi o fakamatalaga mo te empagliflozin, fano ki te [healthnavigator.org.nz/empagliflozin](https://www.healthnavigator.org.nz/empagliflozin)